

四庫全書

史部

欽定四庫全書

史部

遼史拾遺卷十四

詳校官庶吉士<sub>臣</sub>瑚圖禮

總校官庶吉士<sub>臣</sub>何思鈞

校對官助教<sub>臣</sub>胡予襄

校對官中書<sub>臣</sub>吳俊

謄錄監生<sub>臣</sub>李樺

謄錄監生<sub>臣</sub>宋大樽

欽定四庫全書

遼史拾遺卷十四

錢塘厲鶚撰

志第十

地理志四

南京道

南京析津府補諸官名補梳妝樓補會同館補望京館

補居庸松亭榆林之關古北之口桑乾河高梁

河 大安山 燕山 採魏院補蕭太后城補白塔補

契丹國志曰南京本幽州地乃古冀州之域舜以冀州南北廣遠分置幽州以其地在北方陰幽也東有朝鮮遼東北有樓煩白檀西有雲中九原南有滹沱易水唐置范陽節度臨制奚契丹自晉割棄建為南京又為燕京析津府戶口三十萬大內壯麗城北有市陸海百貨聚于其中僧居佛寺冠於北方錦繡組綺精絕天下膏 蔬蔬果實稻粱之類靡不畢出而

桑柘麻麥羊豕雉兔不問可知水甘土厚人多技藝  
秀者學讀書次則習騎射耐勞苦石晉未割棄已前  
其中蕃漢雜居勝負不相當既築城後數十里間宛  
然如帶回環繚繞形勢雄傑真用武之國也 王士

點禁扁曰遼以幽州為南京宮之扁曰永興曰積慶  
曰延昌曰章敏曰長寧曰崇德曰興聖曰敦睦曰永  
昌曰延慶曰長春曰太和曰延和殿之扁曰清涼曰  
元和曰嘉寧堂之扁曰天膳樓之扁曰五花曰五鳳

曰迎日閣之扁曰乾文門之扁曰元和曰南端曰萬  
春曰千秋曰鳳凰園曰柳園 沈德符野獲編曰大  
內北苑中有廣寒殿者舊聞為耶律后梳妝樓 高  
士奇金鰲退食筆記曰瓊華島在太液池中其巔古  
殿相傳為遼后梳妝臺 范成大攬轡錄曰會同館  
燕山客館也遼亦有之 孫承澤春明夢餘錄曰望  
京館在城東北五十里孫侯村遼建為南北使臣宿  
息餞飲之所宋王曾上契丹事曰出燕北門至望京

館卽此 樂史太平寰宇記曰居庸關在昌平縣西  
北北齊改為納款淮南子云天下九塞居庸是其一  
北邊備對曰太行山南自河陽懷縣迤遑北出直  
至燕北無有間斷此其為山不同他地蓋數千百里  
自麓至脊皆險峻不可登越獨有八處粗通微徑名  
之曰陁居庸關者其最北之第八陁也此陁東西橫  
亘五十里而中間通行之地才濶五步 羅璧識  
曰河北以居庸諸關為險蓋居燕百里外關外名虎

北口即漢上谷郡其山西連太行東亘遼海狼諸砮  
諸山為襟帶關南北通處路遠兩崖間風起人行或  
為所掀彭文子謂隘如綫側如傾其峻絕天其降趨  
井下有澗巨石磊塊凡四十五里艱折萬狀山外寒  
氣先山南兩月燕之東百里曰榆關蓋自虎北口下  
皆亂山層複至此循海方有狹徑寔遼東諸州之障  
阻昔時守以土步敵不能入自石晉割關南十六州  
劉仁恭割營平灤三州賂契丹由是北自定武達灤

海千里失險 方輿紀要曰松亭關在喜峯口北百  
二十里遼人自燕之中京每自松亭趨柳河 許亢  
宗奉使行程錄曰出榆關以東山川風物與中原殊  
異當契丹全盛時但土城存居民數十百家及官舍  
三數椽不及中朝一小鎮強名為州 又曰第十四  
程自營州一百里至潤州離營州東行六十里至榆  
關並無保鄣但存遺址有居民三四家登高四望東  
自碣石西徹五臺幽州之地沃野千里北限大山重

巖中有五關居庸可以通大車運轉餉松亭金坡古  
北口止行人馬不可行車外有十八路盡免徑鳥道  
止能通人不可行馬山之南地則五穀百果良材美  
木無所不有出關未數十里則山童水濁皆瘠鹵彌  
望黃茅白葦莫知其極蓋天設此以限南北也 胡

三省資治通鑑注引沈括曰檀州東北五十里有金  
溝館自館少東北乍原乍隰三十餘里至中頓過頓  
曲折北行峽中濟灤水通三十餘里鉤折投山隙以

度所謂古北口也 高士奇塞北小鈔曰古北口僧  
寺刻宋蘓文定轍古北口道中詩曰亂山環合疑無  
路小徑縈迴長傍溪髣髴夢中尋蜀道興州東谷鳳  
州西宋史元祐間轍嘗代軾為翰林學士尋權吏部  
尚書使契丹館客者侍讀學士王師儒能誦洵軾之  
文及轍茯苓賦此蓋奉使時所題也 韓琦安陽集  
虎北口詩曰東西層巘鬱嵯峨關口纔容數騎過天  
意本將南北限即今天意又如何 顧炎武昌平山

水記曰古北口城北口外有楊業祠業以雍熙中為雲州觀察使契丹陷寰州過於雁門北陳家谷力戰不支被擒不食三日死忠矣然雁門之北口非古北口也祠於斯者誤也 劉敬公是先生集楊無敵廟

詩曰西流不返日滔滔隴上猶歌七尺刀慟哭應知

賈誼意世人生死兩鴻毛

自注云在古北口其下水西流

蘓轍樂城

集古北口楊無敵廟詩曰行祠寂寞寄關門野草何知避血痕一敗可憐非戰罪太剛嗟獨畏人言馳驅

本為中原用嘗享能令異域尊我欲比君周子隱誅  
彤聊足慰忠魂 鶚案古北口楊無敵祠顧氏以為  
誤考劉遼父蘓子由二詩在奉使時作則祠勦自遼  
日可知無敵忠義感動敵境又何論古北口之非陳  
家谷也 范成大石湖集曰盧溝去燕山三十五里  
宋敏求謂蘆荻河即桑乾河也 太平寰宇記曰高  
梁河水在薊縣東四里南流合桑乾水桑乾水西北  
自昌平縣界來南流經府西又東流經府南又東南

與高梁河合又水經云桑乾水東與洗馬溝水合

方輿記要曰大安山在房山縣北八十里山高險薛居正曰大安幽州西名山也 又曰燕山在玉田縣

西北二十五里晉咸康四年石虎攻段遼遼將北平相陽裕登燕山以自固即此 水經注云燕山上懸

巖之側有石鼓去地百餘丈望若數百石圉有石梁貫之鼓之東南有石人援桴狀同擊勢耆舊言燕山石鼓鳴則主有兵 春明夢餘錄曰採魏院入塔記

遼景福元年建燕京寶塔寺講律沙門如正述塔今  
在蕃育署 劉定之呆齋集曰京師西南五六里外  
有舊城唐藩鎮遼金別都之城也元遷都稍東於是  
舊城東半遂入於朝市間而西半猶存號為蕭太后  
城蕭太后者遼后皆以蕭為姓有子為帝則太后別  
居宮城統部屬故其亡也末帝淳之妻猶得獨存稱  
太后以主其國踰年乃滅也 劉侗帝京景物畧曰  
白塔建自遼壽昌二年相傳藏法寶種種靜夜有光

至元八年世祖發視之舍利二十粒青泥小塔二千石函銅餅香水盈滿前二龍王跪而守護案上無垢浮光陀羅尼五部軸以水晶金石珠琢異果十種列為供餅底一錢錢文至元通寶四字也世祖驚異乃加崇飾或言遼至燕京五方各鎮以塔塔五色兵燹後惟白塔存 蔣一葵長安客話曰妙應寺在阜城門內寺右偏有白塔創自遼壽昌二年為釋迦佛舍利建

原書卷次訛誤

析津府 薊丘

補

清類天文分野之書曰大興秦薊縣漢為廣陽國東漢為郡兼立幽州仍為薊縣晉屬燕國元魏亦為幽州立燕郡隋為涿郡唐為幽州治所開元二十三年陞為望縣建中二年析西界置幽都縣五代亦為薊縣石晉割地予遼開泰元年更縣為析津金天德五年改為大興京東考古錄曰漢書薊古燕國召公所封後漢書薊本燕國刺史治水經注城內西北隅

有薊邱因邱以名邑也唐書地理志幽州范陽郡治薊開元十八年析置薊州漁陽郡治漁陽及遼改薊為析津縣因此薊之名遂沒於此而在於彼今人乃以漁陽為薊而忘其本矣史記樂毅書薊丘之植植於汶篁一統志城西北隅即古薊門舊有樓館並廢但門外存二土阜旁多林木頗為近之

宛平縣 香山玉泉山五華山仰山菩薩山盧師山

覺山雙泉山

俱補

元混一輿地要覽曰宛平本幽都縣薊縣西界地唐  
為燕州朱希彩奏為廣甯縣後為朱滔所陷廢燕州  
立幽都縣遼改宛平香山玉泉山五華山仰山菩薩  
山俱在西北盧師山覺山雙泉山俱在西 徐善泠  
然志曰香山寺址遼中丞阿里吉所捨 宋啓明長  
安可遊記曰香山有乳峯石時噓雲霧類匡廬香爐  
峰故名 鶚案北遼宣宗耶律淳葬燕西香山永安  
陵香山之名已見遼史 孫國救燕都游覽志曰玉

泉山有巨穴泉歟而上淙淙有聲或名之噴雪泉

長安客話曰廬師山以神僧得名師來居此山能馴

二龍子山有潭覆以巨石其下深不可測二龍潛焉

歲旱禱雨輒應 明一統志曰覺山在府西三十里

懸崖之上與廬師平坡鼎峙西有三泉曰清泠曰清

旨曰洊至 燕都遊覽志曰覺山漢左馮翊韓延壽

墓在焉五華雙泉翠微仰山諸峰環之如屏 明一

統志曰菩薩崖在府西北一百二十里山畔有三石

像 長安客話曰仰山峯巒拱秀中頂如蓮花心有  
五峯曰獨秀翠微案蓋妙高紫微中多禪刹更在西  
山外四十餘里人跡罕到

昌平縣 軍都山

補涇榆河

補九聖寺

補

太平寰宇記曰軍都山又名居庸山在縣西北十里  
後漢書曰尚書盧植隱居上谷軍都山立黌教授學  
者自遠而至 輿地廣記曰縣北十五里有軍都陁  
西北三十五里有款納門即居庸故關亦謂之軍都

關 崔學履昌平州志曰濕榆河在州治東南五十里源出軍都山南流又折而東以入於潞河 又曰九聖寺在州治東遼乾統五年建

良鄉縣

鹽溝河

補

樂毅墓

補

許亢宗奉使行程錄曰良鄉縣乃唐莊宗時趙德鈞所鎮也幽州歲苦契丹侵抄轉餉乃于鹽溝置良鄉縣 鶚案鹽溝通鑑作閭溝 皇甫鑑域家記曰燕廣城君樂毅墓在縣南三里 牛象坤良鄉縣志曰

鹽溝河發源自宛平縣龍門關東南流經縣境陶村里入桑乾河

潞縣 平谷縣故城安樂縣故城補潞水 通路亭

補

通典曰漢平谷縣故城在今縣北又有漢安樂縣故城在西北 太平寰宇記曰潞河一名沽河一名鮑丘水北自檀州密雲縣界流入水經云鮑邱水東歷夏謙澤後魏諸州地記云潞縣城西三十里有潞河

源出此山南流謂此水也 水經注曰高梁水東至

潞縣注於鮑邱之水又南逕潞縣故城西王莽之通

潞亭也

安次縣 石梁城 常道城 桃水 補 定覺寺 補 劉

琨墓 補 韓澤墓 補 留犢村 補

方輿紀要曰石梁城在舊州頭東南五十里或云南北朝時所置戍守城也其地又有崧州城相傳遼實呼王所置 又曰常道城在舊州頭西五里三國魏

燕王宇之子璜封常道鄉公甘露五年司馬昭迎立之北魏主宏封宇文英為常道鄉公皆此城也 張文舉東安縣志曰桃水道首受涑水分東至安次入河見漢志 又曰定覺寺在縣西北七十里常道鄉唐垂拱三年賜額五代燬於兵遼天慶間承直郎張銑重建 明一統志曰劉琨墓在東安縣東二十里東安縣志曰遼中丞韓澤墓在縣西北五十里乾統八年塋 曹學佺名勝志曰留犢村在縣西北六

十里魏鉅鹿時苗為壽春令及歸留犢而行回經于此因以名里 鶚案元初克燕改縣為東安州明初降為東安縣

永清縣

方輿紀要曰永清縣石晉時沒于契丹周世宗復取之宋初為霸州治景祐二年并入文安縣金復置鶚案永清自周世宗復取後已入南朝版圖宋史政和三年賜霸州郡名永清似不當存遼史地理志

武清縣

雍奴

廣濟寺

補直沽補

順天府志曰三角淀南武清縣南圍二百里古之雍

奴也自范甕口王家陀河劉道口魚兒里諸水所聚

會大沽港 水經注曰南極虜池西至泉州雍奴東

極于海謂之雍奴藪其澤野有九十九淀 徐昌祚

燕山叢錄曰武清三角淀云是舊城陰晦之夕漁人

多見城堞市里人物填集 寶坻縣志曰廣濟寺有

遼碑二一銀青榮祿大夫檢校司徒宋瑋佛殿記太

平五年立一重熙五年立 查為仁盤山記遊集曰  
寶坻古廣濟寺殿有透靈碑相傳可以隔望此言雖  
不足證然光澤如鏡亦異事也碑側記皇朝建號太  
平十有一載仲夏之月商稅麴鐵都監提點造船韓  
紹孚時建供奉班祇候前權鹽使監造海行舟船劉  
可度重熙五年十二月二十九日受勅碑正面題檢  
校司徒使持節儒州諸軍事儒州刺史兼御史大夫  
上柱國廣平縣開國男食邑三百戶宋璋撰文縣志

載寺有遼碑二此碑記重熙五年受勅當即是第二  
碑前一碑太平五年立者已失武清縣志曰大河  
以北之水多從直沽入海此即古者九河入海之處  
鶚案寶坻本遼武清縣新倉地金大定中置縣

香河縣 海運故道

補

長安客話曰香河縣境南有大龍灣小龍灣二水夏  
秋始合流經寶坻縣入七里海相傳遼時海運故道  
玉河縣 劉仁恭於大安山創宮觀師煉丹羽化之

術於方士王若訥因割薊縣分置以供給之

宋祁唐書曰劉仁恭從方士王若訥學長年築館大安山掠子女充之又招浮屠與講法以董土為錢飲真錢穴山藏之殺匠滅口禁南方茶自擷山為茶號山曰大恩以邀利

灤陰縣

獨秀園亭

補

張祥灤縣志曰獨秀園亭在縣北二里遼司徒郭世珍建

宋王曾上契丹事 督亢亭 劉李河 憫忠寺

太平寰宇記曰督亢陂在范陽縣東南十里劉向別錄督亢燕膏腴之地孫暢之述畫云燕太子丹使荆軻齎督亢地圖入秦謀殺秦王尋為秦滅也郡國志引徐野曰方城縣有督亢亭 范成大石湖集曰琉璃河又名劉李河在涿州北三十里水極清泚茂林環之尤多鴛鴦千百成羣此河大中祥符間路振乘輶錄亦謂琉璃河唯嘉祐中宋敏求入蕃錄乃謂之

六里河 文惟簡北使事實曰燕山京城東壁有大  
寺一區名憫忠廊下有石刻云唐太宗征遼東高麗  
回念忠臣孝子沒於王事者所以建此寺而薦福也  
東西有兩甃塔高可十丈云是安祿山史思明所建  
順州歸化軍中節度 溫榆河 黍谷山 牛欄山

補齊長城 駁補

王應麟通鑑地理通釋曰石晉十六州考云順州順  
義郡在范陽郡城唐天寶初置治賓義縣九域志化

外順州領賓義一縣唐志突厥州順州貞觀四年平突厥以其部落置於幽靈之境後僞治幽州城中

胡三省資治通鑑注引沈括曰幽州東北三十里有望京館東行少北十餘里出古長城又二十里至中頓又踰孫侯河行二十里至順州土厚宜稼顧炎

武昌平山水記曰溫餘河即昌平之榆河下流為沙河入順義西南界下至通州入潞河順義謂之西河金人名縣曰溫陽以此遼史作溫榆河本水經注之

濕餘河以字相似而謠也 朱彞尊曰下舊聞曰後漢書王霸為上谷太守陳委輸可從溫水漕以省陸輸之勞事皆施行章懷太子注引水經注本作溫餘水遼史順州有溫榆河金更懷柔縣為溫陽豈盡無據又昌平多溫泉有流入雙塔河者溫餘之名竊疑因此水經注既無善本今人習見坊刻遂指溫字為濕字之謠正恐類昔人所云以不悖為悖也 楊霆順義縣志曰溫榆河在縣治西南三十里起于口

北由沙河下達于漕河中有三渡俗名葦溝河 明  
一統志曰黍谷山在懷柔縣東四十里跨密雲界亦  
名燕谷山 文昌雜錄曰余奉使北遼過順州有黍  
谷坊接伴副使王仲淵指以謂副使文供備云觀此  
可知其寒也劉向別傳曰燕地谷美而寒不生五穀  
鄒子吹律名溫氣至五穀生至今名黍谷北遼士子  
多燕人故亦頗知學問也 塞北小鈔曰牛蘭山在  
順義縣北二十里相傳山有中峰洞洞內金牛時常

出現山不甚高遠望之僅蜿蜒一邱耳 鶚案牛蘭

山見王沂公上契丹事 昌平山水記曰順義縣西

南二十里有天柱村三十里有輦溝村村東臨溫餘

河渡南有長城遺跡遼史順州南有齊長城城東東

北有華林天柱二莊遼建涼殿春賞花夏納涼者也

齊長城齊天保中所築沈括曰幽州東北三十里有

望京館東北行少北十里餘出古長城卽此 羅願

爾雅翼曰劉原父奉使契丹時聞順州山中有異獸

如馬食虎豹契丹人不識以問之曰此所謂駁也為  
言形狀聲音皆是契丹人歎服

懷柔縣

呼奴山

補

看花臺

補

周仲士懷柔縣志曰呼奴山縣東南三十里漢鄧禹  
子訓與上谷太守任興屯兵防匈奴烏桓于此 又

曰看花臺縣北三十里遼蕭后避暑北上常登臺看  
花 明一統志曰呼奴山亦名狐奴山 昌平山水

記曰狐奴山西南百步有漢狐奴縣址魏文帝黃初

二年省

檀州武威軍下刺史 桑溪 鮑丘水 桃花山

螺山

劉敞公是先生集檀州詩曰窮谷迴看盡孤城平望

遙

自古北口山至此都盡

市聲衙日集

此州衛日市集

海蓋午時消

每旦

海氣如霧至午消盡土人謂之海蓋

冠帶才通漢山河更入遼春風解

冰雪最覺馬蹄驕 太平寰宇記曰三城河即沽水

也東北塞外流入桑溪水經注云三城水即經伏凌

山南與石門水合是水有桑溪之名蓋源出桑溪故也右注鮑丘水水經注鮑邱水又東南龍芻溪水注之是也 水經注云鮑丘水又南逕僞奚縣故城東王莽更之曰敦德也 太平寰宇記曰桃花山在漁陽西北十五里 明一統志曰紅螺山在懷柔縣北二十里高二百仞下有潭潭中常有二螺色殷紅夕吐光燄土人異之因以名山

密雲縣 潮河 密雲山 白檀山 普濟寺

治山寺

劉存規墓

俱補

續通典曰檀州密雲縣即漢厓奚縣舊治

厓音跳

塞北

小鈔曰潮河在縣東南自古北口流入縣界西南流

至順義縣合於白河 昌平山水記曰密雲山一名

橫山郡所以名也 劉效祖密雲縣志曰普濟寺縣

東北八十里遼統和五年建清寧二年重脩內有顯

公和尚祠治山上寺治山下寺遼重熙八年建 又

曰劉存規字守範仕遼為積慶宮都提轄使金紫榮

祿大夫檢校司空兼御史大夫上柱國卒于應歷五  
年塋密雲縣嘉禾鄉有墓志

涿州永泰軍上刺史 大房山 孔水洞補 六聘山

涿水 樓桑河 祁溝河 范村補 陀羅口補 涿

鹿山補 雲居寺補

許亢宗奉使行程錄曰涿州昔為契丹南寨邊城樓  
壁俱存及郭藥師舉城內屬不經兵火人物富盛井  
邑繁庶近城有涿河劉李河合范河東流入海故名

范陽 通鑑地理通釋曰涿州涿郡唐大歷四年節  
度使朱希彩表析幽州之范陽歸義固安置治范陽  
王安石臨川集涿州詩曰涿州沙土望桑乾鞍馬  
春風特地寒萬里如今持漢節卻尋此路使呼韓

太平寰宇記曰大防山在良鄉縣西北三十五里山  
下有石穴 史恒德涿鹿記曰房山在涿郡曲北五  
十里北接居庸東抵漁陽西連紫荆所謂幽燕奧室  
也 曹學佺名勝志曰大房山南晉霍原隱處 黃

榜房山縣志曰孔水洞在大房山東北其上懸崖千尺其下石竇如門流水湧出深不可測時有白龍出游往往樵牧聞絲竹之音開元間旱每遣人投以金龍玉璧禱之輒應 明一統志曰六聘山在房山縣西三十里 太平寰宇記曰涿水源出縣西土山下東北流經縣北五里又東流注壁水應劭注漢水涿水出上谷涿鹿縣水西入海十三州志云涿郡南有涿水北至上谷為涿鹿河其支入匈奴中者謂之涿

耶水 水經注曰樓桑里劉備之舊里也 長安客

話曰州西南五十里岐溝宋時置關以備契丹者

方輿紀要曰范村在州西南宋宣和四年童貫伐遼

遣辛興宗搃西路兵趨范村為遼人所敗 又曰駝

羅口在州東北宋雍熙中圍涿州契丹主隆緒由駝

羅口應援即此 唐舜卿涿州志曰獨鹿山即涿鹿

山也在州城之西一十五里 遼沙門志才涿鹿山

雲居寺續秘藏石經塔記曰古之碑者用木為之乃

堊祭聘饗之際所植一大木而字從石者取其堅久也秦漢以降凡有功德政事亦碑之欲圖不朽易之以石雖失其本從來所尚不可廢焉浮圖經教來自西國梵文貝葉此譯華言盡書竹帛或邪見而毀壞或兵火而焚爇或時久而蟲爛孰更印度求諸與有隋沙門靜琬深慮此事屬志發願於大業年中至涿鹿山以大藏經刻于貞珉藏諸山竇大願不終而奄化門人道公議公暹公法公資資相踵五代造經亦

未滿師願至遼劉公法師奏聞聖宗皇帝賜普渡壇  
利錢續造次興宗皇帝賜錢又造相國楊公遵勗梁  
公頴奏道宗皇帝賜錢造經四十七帙通前上石共  
計一百八十七帙已厝東峰七石室內見今大藏仍  
未及半有通理大師經林拔秀名實俱高教風一扇  
草偃八紘其餘德業俱載寶峰本寺遺行碑中師於  
茲山寓宿有續造念興無緣慈為不請友至大安九  
年正月一日遂於茲寺放開戒壇士庶道俗入山受

戒叵以數知方盡暮春始得終罷所獲錢施及萬緡  
付門人右街僧錄通慧圓照大師善定校勘刻石石  
類印板背面俱用鐫經兩紙至大安十年錢已盡功  
且止碑四千八十片經四十四帙題名目錄刻如左  
未知後代誰更繼之又有門人講經沙門善銳念先  
遺風不能續扇經碑未歲或有殘壞與定師共議募  
功至天慶七年於寺內西南隅穿地為穴道宗皇帝  
所辦石經大碑一百八十片通理大師所辦石經小

碑四千八十斤藏瘞地穴之內上築臺砌磚建塔  
一座刻文標記石經所在 于奕正天下金石志曰  
雲居寺續鐫石經記趙遵仁撰清寧四年 沙門智  
光重脩雲居寺記曰應歷十四載寺主謙諷完葺一  
寺結邑千人請右補闕瑯琊王公正作碑頌因兵火  
遂至傷缺補闕子諸行宮都部置判官都官員外郎  
賜紫金魚袋敦念先人遺跡出俸錢再修以釋智光  
乃考之執友也故命刊述勒之時睿德神畧應運啟

化承天皇太后至德廣孝昭聖皇帝御極之二十三  
年統和乙巳歲八月丁丑朔十一日丁亥記 帝京  
景物略曰房山縣西南四十里有山曰白帶山生慙  
題草又曰慙題山藏石經者千年矣故曰石經山亦  
曰小西天云 鶚案房山縣金為奉先縣元改房山  
遼時未有縣地屬涿州白帶山即涿鹿山也王正碑  
文已入文苑傳補

范陽縣 涿州 范水

水經注云涿水出涿鹿山世謂之張公泉東北流逕涿鹿縣故城王莽所謂褫陸也黃帝與蚩尤戰于涿鹿之野留其民於涿鹿之阿卽於是處名勝志曰范水在州西南水北曰陽范陽郡名以此

固安縣 渾河補 韓城 武陽城 法華寺 歸

依寺 大師塔俱補

蘓志臯固安縣志曰渾河在縣西二十餘里本桑乾河又名漯河俗呼渾河亦曰小黃河以流濁故也源

出山西大同府馬邑縣東北十里桑乾山南經縣境  
至武清縣小直沽與衛河合流入于海 水經注曰  
固安東南逕韓城東詩韓奕章曰溥彼韓城燕師所  
完王肅曰今涿郡方城縣有韓侯城世謂寒號非也  
固安縣志曰武陽城在縣西北燕昭王之所築也  
又曰法華寺在縣東二十五里石碣有云大遼國  
燕京涿州固安縣萬春鄉皇臺里鄉貢進士張希顏  
述考將仕郎試太子正字前守涿州司法叅軍張輦

書重熙間重修募緣碣有云時遷歲暮隳殘蟬蛸之  
梁雨壞風摧打碎鴛鴦之瓦又云若抽鴛眼之資必  
值龍華之會等語又曰歸依寺在縣東北十八里  
遼天慶七年立幢大師塔在東徐村遼奉聖州司候  
判官給事郎試太子校書郎騎都尉蔡洛彥立碣有  
進士焦山等字天慶元年建

新城縣 白溝河 時承諫墓

俱補

程正惠公

卓

使金錄曰嘉定四年十二月二十三日

過白溝河昔與遼人分界又十里過大白溝河亦名  
巨馬河 何濟新城縣志曰白溝河在縣南三十里  
出山西代郡深山由涑水定興為 馬河至新城南  
為白溝河即宋遼分界處 又曰時承諫墓在縣東  
北二里本遼人金贈鎮東節度使兼侍中金李晏時  
立愛墓志銘曰公父諱承諫積累巨萬發倉貸人每  
折其券負郭沮洳常阻行路創石為梁人得平步善  
慶攸鍾是生我公 鶚案金史時立愛傳承諫作承

謙誤

歸義縣

易京

重脣魚

俱補

通典曰歸義縣漢易縣地公孫瓚于此置易京在今

縣南十八里又有巨馬水 涿州志曰重脣魚惟巨

萬馬河有之因此地魚重脣故名

易州高陽軍上刺史

易水

黃金臺

補

燕子城補

狼山

大寧山

樊館山

補

荊軻山

補

吟詩臺

五華樓

補

福感寺

補

靜覺寺

補

輿地廣記曰漢安故縣故城在今縣南易水所出燕  
太子丹送荆軻入秦祖道於水上輒起為壽歌曰風  
蕭蕭兮易水寒壯士一去兮不復還即此 戴銑易  
州志曰黃金臺在州治東南四十里昔燕昭王師事  
郭隗築臺置千金於上以延天下士士爭趨燕故號  
黃金臺 周密癸辛雜識曰保定府之西有易州即  
郭藥師起兵處在易水北州東南有故城土人號曰  
燕子城 明一統志曰郎山在保定府城西北五十

里一名狼山其峯尖銳如削皎然玉立 又曰大寧  
山在易州西五十里中有大寧寺 冊府元龜曰劉  
昫涿州人唐天祐中契丹陷其郡昫被俘至新州逃  
而獲免隱居上谷大寧山 林銓章易水志曰樊館  
山在州西七里是樊於期授首處荆軻山在州西五  
里昔燕丹尊軻上卿館此 潘自牧記纂淵海曰吟  
詩臺在易州西大寧山五代馮道吟詩於此 明一  
統志曰五華樓在易州治即燕候雲物臺遼聖宗嘗

御此樓書刺史馬質兵監趙質姓名于西壁 易水  
志曰福感寺在州東一里遼統和二十八年建上中  
下靜覺寺在大寧山遼大安二年建

涑水縣本漢道縣周大象十八年改涑水縣在  
州東四十里有涑水

易州志曰拒馬河在涑水縣治東一里許源出廣昌  
涑山又東南至定興縣西與白澗河合又東至新城  
縣界為白溝河又東注霸州合直沽入于海一名涑

水以其發源涑山得名非實有二也 高士奇扈從  
西巡日錄曰涑水縣城舊在拒馬河西北二里俗名  
周城灣水經曰拒馬河出代郡廣昌縣涑山酈道元  
注曰即涑水也 鶚案周城灣當即周大象中所改  
城也

容城縣 三臺城

補

記纂淵海曰三臺城在容城縣境昔燕魏分易水為  
界築三臺以耀武

薊州尚武軍上刺史 盤山 石門鎮 感化寺

獨樂寺 祐唐寺 韓氏賜田 芹菜山

俱補

夢溪筆談曰予使遼至古契丹界大薊茆如車蓋中國無此大者其地名薊恐其因此也如楊州宜楊荊州宜荊之類荊或為楚楚亦荊禾之別名也 熊相

薊州志曰盤山一名盤龍山在州西北二十五里高二十餘仞周百餘里勢磅礴而盤桓因以名之山北數峯陡絕林立如削曰紫蓋曰宿猿尤為奇特最高

者上盤有二龍潭禱雨多應稍卑者曰中盤東行十餘里蔚然深秀惟石穴起曰白崖日暮則山色蒼翠嵐氣溶涇濛然如雨上有古寺七十餘所 方輿紀要曰石門鎮在薊州東六十里山峽嶄絕壁立于中洞門俗呼為石門口宋宣和五年遼蕭幹敗宋兵于石門鎮遂陷薊州 釋智樸盤山志曰感化寺有遼乾統七年碑漁陽南樸撰文沙門肅回書 又曰獨樂寺在州治西南不知初自何代至遼時重修有翰

林院學士承旨劉成碑統和四年孟夏立石其文畧  
曰故尚父秦王請談真大師入獨樂寺修觀音閣以  
統和二年冬十月再建上下兩級東西五間南北八  
架大閣一所中重塑十一面觀世音菩薩像 又曰

祐唐寺有統和五年碑知薊州軍事判官文林郎試祕  
書省校書郎李仲宣撰文沙門德麟書 元好問中  
州集曰韓繼寧仕石晉為行軍司馬從出帝北遷居  
析津曾孫知白仕遼為中書令孚為中書門下平章

事賜田盤山遂為漁陽人 郭造鄉碣石叢譚曰薊  
鎮三屯城東北二十五里為芹菜山遼進士馮唐鄉  
于山前結廬種芹自結故名

漁陽縣 鮑丘水

桑欽水經曰鮑丘水從塞外來南過漁陽縣東又南  
過潞縣西又南至雍奴縣北屈東入于海

三河縣本漢臨胹縣地

王自謹三河縣志曰縣名三河以地近洵河鮑丘河

如河三水也 京東考古錄曰一統志三河在漢臨  
朐縣地今考二漢書並無臨朐縣唐書地理志幽州  
范陽郡潞縣下云武德二年置臨朐縣貞觀元年省  
臨朐而薊州漁陽郡三河下云開元四年析潞縣置  
故知本自一郡先分為臨朐後分為三河皆自唐非  
漢也 鶚案明一統志之誤亦沿襲遼史耳

玉田縣 無終山 燕昭王墓 補 徐無山 補 極樂

院 補

太平寰宇記曰無終山一名翁田山又名陰山在漁陽縣西北四里神仙傳云仙人白仲理者遼東人也隱居無終山中和神丹又于山中作金五千斤以救百姓又搜神記云無終山有陽翁玉田昔雍伯雒陽人父母終塋于無終山上無水雍伯汲水作義漿行者皆飲三年有一人就飲以石子一升遺之使于高平好地有石處種之有徐氏者為右北平著姓有女人多求之不許雍伯試求徐以為狂乃云以白璧一

雙當即為婚雍伯至種玉處得五雙白璧徐氏大驚  
即以女妻之 王大智玉田縣志曰燕昭王墓在無  
終山九州記古漁陽北無終山上有昭王墓 薊州  
志曰徐無山在玉田縣城東北二十里後漢田疇避  
難于此開山圖載山岵不灰之木生火之石 石邦  
政豐潤縣志曰大天宮寺在城西遼清寧元年鹽監  
張曰成創建有塔一十三級初名南塔院壽昌三年  
賜額極樂院至金與宋修好行府悉寓于此天會五

年勅加大天宮寺

鶚案豐潤縣本玉田之泳濟務

大安初改豐潤

景州清安軍下刺史本薊州遵化縣

松亭山 獨

固門

石門峽

溫泉

禪林寺

俱補

張杰遵化縣志曰松亭山邑東北一百二十里多古

松其峯下削腰有洞高二丈餘深倍之

水經注曰

沽水南出峽岸有二城世謂之獨固門以其藉嶮憑

固易為依据兩壁昇聳踈通若門故得是名也 名

勝志曰獨固門一名龍門在縣南十里上合下開開處高六丈許水自懸崖傾瀉而下觸石成井奔湍之聲轟然若雷 松亭行記曰石門峽在遵化縣西五十里有石將軍在峽西高三丈水經注云灋水又東南逕石門峽山高蘄絕壁立洞開俗謂之石門口漢中平四年漁陽張純反殺右北平太守劉政五年遼東太守楊紘興中郎將孟湛率公孫瓚討純戰于石門大破之即此地 王存元豐九域志曰遵化縣福

泉山下水沸出溫可燂雞旁引為池方平如鑑 遵  
化縣志曰禪林寺邑東北二十五里姚秦弘始中僧  
至道建稱雲昌寺遼重熙間僧志紀重修改今名  
平州遼興軍上節度 商為孤竹國 漢末公孫度據  
有傳子康孫淵

太平寰宇記曰孤竹城在今盧龍縣東殷之諸侯即  
伯夷叔齊之國又按縣道記云孤竹城在肥如縣南  
二十里史記謂齊桓公伐山戎北至孤竹又隋圖經

云孤竹城漢靈帝時遼西太守廉翻夢人曰孤竹君之子伯夷之弟遼海漂吾棺槨聞君仁善願見覆藏明日水際見浮棺于津收之仍為改塋吏人唾咲者皆無疾而死今改塋所尚存祠在山下極巖永平府志曰府西北二十里雙子山有孤竹長君塋馬鞭山有少君墓又五里有次君墓即光和之重塋也

京東考古錄曰晉書平州禹貢冀州之域於州為幽州界漢屬右北平郡後漢末公孫度自號平州牧及

其子康康子淵並號遼東魏分遼東昌黎元菟帶方  
樂浪等郡國五置平州後還合為幽州咸寧二年分  
昌黎遼東元菟帶方樂浪等郡國五置平州治昌黎  
是則公孫度之平州乃遼東而咸寧所置之平州乃  
柳城即昌黎也魏書營州領郡六其一曰昌黎晉分  
遼東置領縣三其一曰龍城太平真君八年併柳城  
昌黎棘城屬焉有堯祠榆頓城狼水隋書遼西郡統  
縣一柳城本魏龍城縣開皇九年改為龍山縣十八

年改為柳城縣而平州之名則自魏更立于遼西魏書平州領郡二其一曰遼西領縣三其一曰肥如獨其于平州之下注云晉置治肥如城未甚詳明其曰晉置者謂平州之名始立于晉也其曰治肥如城者謂魏之平州治肥如也上下本不相蒙且如遼西郡下注云秦置亦謂遼西之名立于秦也豈可以秦之遼西亦治肥如乎以此例之可見矣隋唐二書並未  
有誤至遼史于平州遼興軍下云漢末公孫度所據

有傳子康孫淵是誤以拓拔氏之平州為公孫度之平州矣灤州下亦云不知其時皆曹氏所有也

安喜縣

龍紀城

補

白夏遷安縣志曰龍紀城在縣北二十里周圍二百四十步遼蕭后所築 鶚案遼安喜縣金大定中改遷安初省入廬龍尋復置明初因之

灤州永安軍中刺史 黃洛城 灤河 俞兒 扶

蘓泉

長春淀

補

臨榆山

榆河

華嚴寺

補

卑

家寺

補

偏涼亭

補

馮唐鄉

附

許亢宗奉使行程錄曰第十一程自清州九十里至  
灤州州處平地負麓面西東行三里許亂山重疊形  
勢險峻河經其間河面濶三百步亦控扼之所也水  
極清泚臨河有大亭名曰濯清為塞北之絕元混  
一輿地要覽曰灤州古無之唐末安巴堅陷平營劉  
守光據幽州暴虐民不堪命多逃亡依安巴堅築此  
以居之太平寰宇記曰黃洛城殷諸侯之國吳

曾能改齋漫錄曰竇革新唐書音訓本紀灤河云灤  
力宮切灤水出奚國都水諸書山海經並無此字惟  
見于切韻又忠義列傳灤河云音樂今大遼平州東  
臨灤河是也予按北鄙須知大遼有灤州西至燕京  
五百里有灤河縣西至灤州四十里平州西至燕京  
八百里以此見灤河縣在平州之西竇以為在東非  
也 鶚案灤州所統遼史止義豐馬城石城三縣並  
無灤河北鄙須知誤也 松亭行紀曰按灤水前皆

無名禹貢夾右碣石入于河注云其水如遼濡溥易  
皆中高不與河通故必自北海然後能達河也漢地  
里志遼西肥如縣注元水東入濡水濡水南入海陽  
顏師古曰濡音乃官反遼史黃洛水北出廬龍山南  
流入于濡水而五音集韻則云濡水名一作湏在遼  
西肥如海陽又云濡奴官切蓋音灤也方氏通雅亦  
云濡水音乃官反今字書韻書失此音据此則今水  
有灤而無濡且湏灤字形相類古或通用而然耶

太平寰宇記曰卑耳溪隋圖經按管子云齊桓公北伐孤竹未至卑耳之溪見一人長尺人物具焉冠右祛衣走馬疾前仲曰登山之神有俞兒霸王之君興而登山之神見且走馬前導也祛衣示前有水也右祛衣從右方涉也至卑耳之溪有贊水者曰從左方涉其深及冠右方涉其深至膝已涉桓公拜曰仲父之聖至此 陳士元灤志曰甘泉在城西北十五里味甘秦太子扶蘓築長城駐此飲水又名扶蘓泉

又曰長春淀在州城西南一百二十里遼蕭太后  
建長春行宮 太平寰宇記曰臨餘山本名臨榆山  
音訛為餘有闕通內外之路在今盧龍縣東一百八  
十里 灤志曰華嚴寺在城西五十里遼壽昌年建  
卑家寺在城西南七十里乾統年建 又曰偏涼亭  
在城東北五里橫山頭灤河西岸乾統元年建 又  
曰遼大安元年灤馮唐卿登進士

馬城縣 樂安鎮 補

潘敦復樂亭縣志曰唐開元中置馬城縣在今治西北遼于今治置樂安鎮仍屬馬城金大定末於樂安鎮置樂亭縣

石城縣 碣石

補

姜將軍斬蛟廟

補

太平寰宇記曰石城漢舊縣取碣石立如城以名之秦始皇使燕人盧生求羨門刻碣石漢武帝登之望海當山有大石如柱號曰天橋柱往往而見立於巨海之內狀如人造然非人力所能成也 太平御覽

曰大碣石山在右北平驪城西南王莽改曰碣石也  
漢昭帝亦嘗登之以望鉅海而勒其名于此宛轉有  
石如甬道數十里當山頂望之大石如柱形往往而  
見立於海中潮至及潮退不動不沒不知深淺世名  
之天橋柱豈昭指此以為碣石也 閻若璩潛邱劄  
記曰前漢志右北平郡驪城縣有大碣石山後漢志  
遼西郡臨渝縣有碣石山文潁漢書注碣石山在遼  
西系縣魏地地形志肥如縣有碣石山隋志盧龍縣

有碣石山唐志平州石城縣有碣石山明一統志碣石山在昌黎縣西北二十里諸縣或省或改則今之盧龍撫寧昌黎及灤州界耳此山綿跨四地故班固曰大碣石山今人第因天橋柱屬諸昌黎陋矣永平府志曰元張勗灤州石城廢縣姜將軍斬蛟廟碑云後唐潞王從珂清泰間將軍鎮榆關碣石之石城縣坤方山曰唐麓趾曰唐溪臨溪形勢幽阻林壑踈迤將軍卜城居之溪有蛟歲為害奔雷走電激波溢

涯將軍領衆斬蛟於溪上民乃安後塋南山冢若高山至今民念功建廟將軍夫人有二男女各七配享以上已誕日致祭元至元丙子繕祠壬午畢為記按天贊之元破石城次年陷平州置灤州以領之後唐天成之元平州歸唐三年復陷歸遼至清泰建元則歷七年矣安有唐將軍敢鎮此地儻有之遼事也

營州鄰海軍下刺史 前燕慕容皝徙都於此

京東考古錄曰史言慕容皝以柳城之北龍山之西

福德之地乃營立宗廟宮闕命曰龍城一統志柳城在永平府西二十里龍山在府西四十里永平府舊志柳城在昌黎縣西南六十里漢末為烏桓所據隋置縣屬遼西郡唐置營州元省入昌黎為靜安社二說不同案唐書營州柳城郡下云城西四百八十里有渝關守捉城又云西北接奚北接契丹通典營州柳城郡下云東至遼河四百八十里南至海二百六十里北至契丹界五十里東南到安東府二百七十

里西南到北平郡七百里西北到契丹界七十里東北到契丹界九十里而平州北平郡下云東至柳城郡七百里至漁陽郡三百里東北到柳城郡七百里是柳城在今之永平東北七百里而慕容氏之龍城昌黎及魏以後之營州並在其地唐萬歲通天元年為契丹所陷聖歷二年僑治漁陽開元五年又還治柳城而今之昌黎乃昔之廣寧縣大定二十九年改為昌黎名同而城異也遼史載興中府柳城為慕容

甌建都之地頗為詳脩元世祖至元七年十月己丑  
降興中府為州以城圖按之當在今前屯衛之北但  
唐書平州下云又有柳城軍永泰元年置蓋唐時柳  
城之城屢被陷沒移遷無常此其在平州者或即今  
之靜安社未可知然不可以永泰元年之柳城為古  
之柳城也鶚案遼史既載慕容甌柳城於中京興中  
府之下則平州所屬之營州柳城自屬唐時僑置之  
名何得以復和龍之地混之乎明一統志及永平府

志之誤亦沿遼史

廣寧縣漢柳城縣

梁忬

附

元豐九城志曰化外州河北路營州下都督柳城郡

領縣廣寧州柳城一縣 鷄案漢柳城當作唐柳

城 元好問遺山文集贊皇郡太君墓銘曰夫人姓

梁氏廣寧人曾太父忬遼祕書監

遼史拾遺卷十四

欽定四庫全書

史部

遼史拾遺卷十五

詳校官庶吉士臣瑚圖禮

總校官庶吉士臣何思鈞

校對官學正臣湯垣

謄錄監生臣蔡枝華

欽定四庫全書

遼史拾遺卷十五

錢塘厲鶚撰

志第十一

地理志五

西京道

西京大同府元魏宮垣占城之北面雙闕尚在清

寧八年建華嚴寺奉安諸帝石像銅像國子監補

梳裏樓補

通鑑地理通釋石晉十六州考曰雲州雲中郡貞觀十四年自朔州北定襄城徙治定襄縣治雲中縣本馬邑郡雲內之恒安鎮武德元年置北恒州貞觀十四年置定襄縣開元十八年更名天寶元年曰雲中郡升大同軍節度使會昌三年置大同郡都團練使治雲中乾符五年升大同都防禦使為節度使水經注曰平城王莽之平順也魏天興二年遷都於此

太和十六年造太極殿東西堂及朝堂夾建象魏乾  
元中陽端門東西二掖門雲龍神虎中華諸門皆飾  
以觀閣 鶚按魏道武遷都平城魏書在天興元年  
山西通志曰後魏宮垣在大同府城北門外有土  
臺東西對峙蓋雙闕也後為天王寺 汪承爵大同

府志曰華嚴寺在府城含和坊遼建奉安諸帝石像  
銅像計石像五銅像六內一銅像袞冕垂足而坐餘  
俱常服 山西通志曰張起巖崇文堂記云雲中在

遼金為陪京學即遼國子監宏敞靖深冠他所 又  
曰梳裏樓在大同府城西北隅相傳遼蕭太后居此  
遺字尚存

大同縣 方山 禪房山

俱補

記纂淵海曰周大同川地戰國趙置雲中縣漢為雁  
門郡平城地遼置大同縣 孫體元大同縣志曰方  
山在城北五十里山有拓拔魏二陵及方山宮改基  
禪房山在城西南六十里上有寺塔創自遼

雲中縣 紇真山 單于臺 高柳城 叅合陂

俱補

李吉甫元和郡縣志曰紇真山在縣東三十里北語  
紇真漢言三十里其山夏積霜雪 又曰單于臺在

縣西北四十里漢武帝元封元年勒兵十八萬騎出

長城塞登單于臺即此也 通典曰雲中縣有故高

柳城叅合陂

長青縣本白登臺地懷仁縣金龍山海子 俱補

記纂淵海曰金龍山在縣西南 又曰海子在縣東  
其西北有泉深不可測本白登臺地 水經注曰服  
虔曰白登臺去平城七里如淳曰平城旁之高城若  
邱陵矣今平城東十七里有臺即白登臺也臺南對  
岡阜即白登山也孫暘之述畫云漢高祖被圍七日  
陳平使能畫作美女送與冒頓閼氏恐冒頓勝漢其  
寵必衰說冒頓解圍於此矣

弘州博寧軍下刺史 桑乾河 白道泉 火井

驚峰寺

補

楊伯通墓

補

王山甫

附

孫世芳宣府鎮志曰桑乾河在和州今順聖城西南  
二十里源出馬邑縣洪濤山下與金龍池水合流東  
西入盧溝河 太平寰宇記曰白道泉郡國志云白  
道高坂有土穴出泉即古曲謂之飲馬長城窟 又  
曰火山在雲中縣西五里水經注云西溪水道源火  
山山有火山井南北七十步廣減尺許深不見底炎勢  
上升常若微雷發響以草爇之則烟騰火發其山以

火從地出亦名熒臺 山西通志曰鷲峰寺在大同  
府城東一百五十里舊弘州龍樹山之陽內有塔一  
座高一百尺遼壽昌四年建乾統三年修 宣府鎮  
志曰弘州有遼尚書左丞楊伯通墓 元好問中州  
集曰王元節弘州人祖山甫遼戶部侍郎

順聖縣 秋林亭 崖木亭

俱補

宣府鎮志曰秋林亭在順聖西城溜雲山下盛暑山  
石滴水成冰可消煩渴遼人建亭焉 又曰崖木亭

在順聖西盤崖洞口峭壁千仞架獨木為橋經久不  
朽遼人建亭其側

德州下刺史 金河水 白道坂

太平寰宇記曰金河水郡國志云雲中郡有紫河鎮  
界內有金河水其泥色紫故曰金河 又曰陰山道  
冀州圖經云雲中周廻六十里北去陰山八十里南  
去通漢長城百里即白道州也南北遠處三百里近  
處百里東西五百里地至良沃沙土色黑省功多獲

每至七月乃熱白道川當原陽鎮北欲至山上當路  
有千餘步地土白如石灰色遙去百里即見之即是  
陰山路也從此以西及紫河以東當陰山北者唯此  
道通方軌自外道皆小而失次者多

豐州天德軍節度使 九十九泉 青塚 遼貫道 附

張欽大同志曰官山在府城西北五百餘里古豐州  
境山上有九十九泉流為黑河 明一統志曰王昭  
君墓在古豐州西六十里地多白草此塚獨青故名

青塚 中州集曰邊元勲豐州人祖貫道遼日狀元

振武縣 黑砂磧補

張鵬翮漢北日記曰距青塚十里有振武城廢址河

水齧沙出碑曰唐振武軍節度使墓誌亦漢字棄置

河干 明一統志曰振武縣北七十里有黑砂磧

雲內州開遠軍下節度使本中受降城地 居延州補

拂雲堆 李陵臺補 鵲泉補

大同志曰東受降城府城西北五百餘里中受降

城去東受降城一百餘里本秦漢九原縣地唐貞觀  
初立雲中都督府後置橫塞軍遼置雲中州西受降  
城去中受降城一百餘里古豐州西北八十里三受  
降城皆唐朔方總管張仁愿所築 許爾忠朔州志

曰居延川在州北廢雲內州一名居延澤蘓武嘗困  
于此旁有居延城 輿地廣記曰中受降城有拂雲  
堆祠西受降城開元初為河所圯十年總管張說  
于城東別置新城北三百里有鵬鵠泉 山西通志

曰李陵臺在大同府城西北五里古雲內州臺高二丈餘唐志雲中都護府有燕然山山有李陵臺蓋陵不得歸登此以望漢其近有拂雲堆堆上有祠

天德軍 天德山

補牟那山

明一統志曰天德山在朔州北漢李陵自居延行至天德山遼太祖平黨項遂破天德掠吏民以東皆此地 大同志曰牟那山在朔州城北三百里隋大同城舊墟在此山近有鉗耳觜城及秦長城

奉聖州武定軍上節度本唐新州 兩河會 溫泉

龍門山 涿鹿山 上花園下花園

補

通鑑地理通釋石晉十六州考曰新州唐志領縣四

永興礬山龍門懷安興地唐記唐末置後唐同光二

年升威塞軍節度

通鑑威塞軍節度  
李存矩在同光前

劉必紹保安州

州志曰燕尾河在州東南三十里桑乾與洋河合流

如燕尾然南流入盧溝橋下一名兩河會見遼志

明一統志曰溫泉在州城南十五里其水常溫至冬

不冰 保安州志曰龍門山在州西北三十里 明  
一統志曰涿鹿山在州城西南九十里一名獨鹿山  
涿水出焉黃帝破蚩尤于涿鹿即此 又曰上花園  
在州城西四十里相傳遼蕭后種花之所下花園在  
州城西三十里亦蕭后置遺址尚存 鶚案唐新州  
遼改奉聖州今升德興府元改保安州明初廢永樂  
中復置保安州

磐山縣 桑乾河

明一統志曰桑乾河在州城西南四十里一名漂水  
自渾源州流至州境與溫河洋河合流東南入宛平  
縣界為盧溝河

龍門縣

歇馬臺

補

宣府鎮志曰歇馬臺龍門所東五十里境外遼蕭后  
歇馬處遺跡尚存

望雲縣

景宗於此建潛邸

鴛鴦泊

補

宣府鎮志曰御莊在雲州堡契丹耶律賢因父遇害

淪落民間居處於此逮穆宗受害國人訪賢立為國  
主作宮室于舊居之地號曰御莊 又曰鴛鴦泊在  
雲州堡西北一百餘里境外周圍八十里其水停積  
不流自遼金以來為飛放之所

歸化州雄武軍上刺史 唐升武州 愛陽川 炭

山 斷雲嶺 西望山 補

通鑑地理通釋石晉十六州考曰武州輿地廣記唐  
末置唐志領文德一縣後唐長興元年改毅州 明

一統志曰愛陽河在炭山西北二十里本放牧之地  
深可尺餘下有頑冰黑色者數尺水上有浮草性涼  
尤宜牧馬其地又生黃花其大如錢發于土上人馬  
蹂踐明日復生如故 又曰炭山在宣府城西一百  
二十里遼人謂之陁頭承天后輔政日納涼于此又  
山之東三十里別建涼殿乃遼主宗真納涼地 宣  
府鎮志曰斷雲嶺在歸化州即今之沙嶺鎮城西北  
二十里上有陰雲籠伏如阻斷然 又曰西望山在

宣府城北三十五里上有遼國西望山舍利碑

可汗州清平軍下刺史 媯州 古城 補 媯泉溫泉

阪泉 磨笄山 喬山 厯山 應夢山 補 東羊

房西羊房 補

通鑑地理通釋石晉十六州考曰媯州媯川郡北齊

立北燕州後周曰燕州唐武德七年以幽州懷戎置

北燕州貞觀八年更名治懷戎 本滿 宣府鎮志曰

媯泉在故懷來縣西一百一十里相傳為遼蕭后所

築明一統志曰媯泉在故懷來縣西一百一十里  
書云釐降二女於媯汭按傳瀉水在河東縣出厯山  
入河此恐非是宣府鎮志曰溫泉在于汗州今隆  
慶城西北三十里佛峪山中太平寰宇記曰美頡  
山黃帝祠有泉湛而不流即古阪泉也今在媯州城  
東二百步史記云軒轅與炎帝戰于阪泉之野通  
典曰鳴雞山本名磨笄山趙襄子滅代其姪磨笄自  
殺因為名代人憐之為立祠有羣雞鳴于祠上故名

鳴雞山 太平寰宇記曰磨笄山在懷戎縣東北七

十里 又曰橋山有祠黃帝塋此山海經云大荒內

有軒轅臺射者不敢西向畏軒轅故也梁湘東王臨

終詩云寔然千載後誰畏軒轅臺 又曰歷山後魏

風土記云潘城西北三里有歷山形似覆釜其下有

舜祠瞽瞍祠 宣府鎮志曰應夢山在隆慶州城北

二十里遼蕭后嘗應夢建寺于其巔因名 又曰東

羊房隆慶州城北十里西羊房隆慶州城西北十五

里皆蕭后養羊之所

懷來縣 團焦亭 雪興亭 碧桃亭 養鷺池

俱補

宣府鎮志曰團焦亭在懷來蕭后遊息之所 又曰

雪興亭蕭后每冬遊此亦在懷來 又曰碧桃亭

去雪興亭里許亦蕭后所置廢久惟遺扁石刻尚存

又曰養鷺池去懷來城二十里水四時不竭相傳

遼蕭后所鑿 鵲案明一統志及宣府鎮志所載蕭

后皆承天太后也興宗奉太后嘗納涼於炭山故西  
京諸處遺蹟為多

儒州縉陽軍中刺史 南溪河 沽河 宋王峪

統幕補

通鑑地理通釋石晉十六州考曰儒州輿地廣記唐  
末置九域志領晉德一縣廣記晉山縣朝野雜記晉  
山縣距燕京百八十里 明一統志曰溪河源自永  
寧縣界團山流經州南合沽河四至懷來入桑乾河

又曰沽河源自州城東北雙營西南流入溪河

宣府鎮志曰宋王峪在儒州劉武周號宋金剛為宋王疑以此名峪 姜南蓉塘詩話曰統幕之地在隆慶州西南八十里相傳遼主遊幸嘗張大幕於此因名今訛為土木正統十四年王師敗績于土木大駕北狩即此地 鶚案歸化州元明時為宣府鎮鵅州明為隆慶州儒州明為隆慶州永寧縣地

縉山縣

縉陽縣

縉陽觀

俱補

謝庭桂隆慶州志曰緡陽山在永寧縣城北十三里  
一名龍安山 又曰緡陽觀在緡陽山遼時所建今  
山頭仙壇溪邊釣迹猶存

蔚州忠順軍上節度 川曰漚夷 馬頭山 補代王城

補金河十寺 補漢文帝廟 補天池廟 附

通鑑地理通釋石晉十六州考曰蔚州後魏置懷荒

禦夷二鎮及靈丘郡後周置蔚州隋屬雁門上谷二

郡 雁門之靈丘 唐武德六年置貞觀五年破突厥復

上谷之飛狐

故地天寶曰安邊郡至德曰興唐郡領靈邱飛狐興  
唐三縣 太平寰宇記曰嘔夷水一名澠水出靈邱  
縣西北高是山周禮曰并州其川嘔夷謂此也亦曰  
瓠瓠河上槽狹下流濶形如瓠瓠故名 劉生和蔚  
州志曰馬頭山在城東南三十里一名大名山上有  
奇石形如馬頭 山西通志曰代王城在蔚州東二  
十里漢文帝封代時居此西北四里有薄家莊即其  
母薄太后所居也 又曰金河十寺在蔚州東南八

十里五臺山下河中碎石如金故名金河寺俱遼統  
和間建 蔚州志曰漢文帝廟在蔚州南關遼穆宗  
建石碣存焉 元和郡縣志曰天池在靜樂縣北燕  
京山上周廻八里陽旱不竭陰霖不溢故老言嘗有  
人乘車風飄墮池有人獲車淪於桑乾泉水後魏孝  
文帝以金珠穿魚七頭放此池後亦于桑乾泉得之  
隋煬帝嘗于池南置宮每夜風雨吹破宮竟不成今  
池側有祠謂之天池祠 玉海曰嘉祐元年蕭扈來

賀正言陽武寨天池廟侵北界詔館伴使王涑持圖  
道本末 陳師道後山叢談曰潘美為并帥代之北  
都山有天池焉歲遣通判祭之其後憚遠而罷久之  
契丹遣祭焉又易其屋記至熙寧中始有其地凡數  
歲兩使往來率不能辨而與之 鶚案天池廟屬宋  
憲州境以其後入遼故附於此

靈仙縣 倒刺山

補

元和郡縣志曰倒刺山在縣東七十里亦號雪山俗

傳靈仙所居與五臺山略等 鷄案本唐興唐縣晉

改靈仙殆以倒刺山得名耳

飛狐縣 飛狐口

補

太平寰宇記曰隋仁壽元年改廣昌為飛狐縣因縣  
北飛狐口為名又云飛狐道自縣北入媯州懷戎縣  
界即古飛狐口也漢書酈食其說漢王曰杜白馬之  
津塞飛狐之口此言皆一方之限也又晉中興書云  
建興中劉琨自代出飛狐口奔於安次謂此道也

靈丘縣

太白山

補

隘門山

補

開皇長城

補

趙武

靈王墓

補

元和郡縣志曰白山在縣南十里山有鍾乳穴其深

不測仰望穴中鍾乳如懸穗焉 又曰隘門山亦曰

隘口在縣東南北五十里壁立直上層崖刺天有古

道極險後魏明元帝置義倉之所 又曰開皇長城

西自繁峙縣經縣北七十里東入飛狐縣界 輿地

廣記曰靈丘縣有趙武靈王墓因以為名

應州彰國軍上節度 後唐明宗州人也天成元年升  
彰國軍節度興唐軍寰州隸焉 北龍首山南雁門

雁門水

補

金鳳城

補

佛宮寺

補

通鑑地理通釋石晉十六州考曰應州續通典故屬

大同軍節度興地廣記唐末置領金城渾源二縣

又曰寰州職方考後唐明宗置興地廣記唐末置領

寰清一縣 大同志曰龍首山在應州城北山之城

跨雲中雁門山在應州城南山之北與龍首相望

水經注曰雁門之水出於雁門之山雁出其間在高  
柳北東南流經高柳縣故城北舊代郡治 冊府元  
龜曰後唐明宗以咸通八年九月生于代北之金鳳  
城 大同府志曰金鳳城在應州城東北天王祠前  
後唐明宗生此中有金鳳井 記纂淵海曰金鳳井  
在州治相傳李克用生時金鳳自井中飛出 鶚案  
明宗生應州見遼史潘自牧以為晉王克用恐非  
談遷棗林雜俎曰應州治西佛宮寺遼清寧二年田

和尚奉敕立有釋迦塔高三百六十尺圍半之六簷  
角上下皆巨木為之層如閣閣玲瓏宏敞

渾源縣 渾源川 恒山 補溫泉

郭子章郡縣釋名曰唐置渾源縣因八水合而混流  
故名八水崞川水沁水黑龍池神溪水李峪水乳泉  
水凌雲口水磁窯口水是也 明一統志曰恒山在

渾源州南二十里即北嶽也水經謂之元嶽其山高  
侵霄漢舜北巡守至于恒山即此 王濬初恒岳志

曰恒山北岳也括地志曰有五別名蘭臺府列女宮  
華陽臺紫臺太乙宮釋家謂之青峯埵道家謂之摠  
元洞天金城福地又曰太乙洞天應劭風俗通曰恒  
常也萬物伏北方而有常也山脈發崑崙其東北一  
支自積石而北入匈奴東為陰山南入雲中境西折  
而東為寧武之天池代之雁門句注又東為覆宿夏  
屋茹越書崖突起於渾源之南為恒山 潛丘劄記  
曰舜典十有一月朔巡守至于北岳傳曰北岳恒山

禹貢太行恒山疏曰恒山在上曲陽西北周禮職方氏正北曰并州山鎮曰恒山注曰恒山在上曲陽則舜當日朝覲北諸侯于今曲陽大茂山之下非山經所稱今渾源之北岳水經所稱之元嶽歷歷可知

鶚案沈括夢溪筆談云北岳常受大茂山半屬契丹以大茂山分脊為界岳祠舊在山下石晉之後稍遷近裏謂之神棚則北岳自在上曲陽遼史故無渾源之祀也 王濬初渾源州志曰溫泉在州東南一百

里其水若湯浴之能愈疾

朔州順義軍下節度 馬邑城 統萬城 元姬山

白樓 俱補

通鑑地理通釋石晉十六州考曰朔州馬邑郡魏武帝置新興郡晉改晉昌後魏置懷朔鎮及懷朔州隋為馬邑郡領鄯陽馬邑二縣 太平寰宇記曰馬邑城即今州城是也搜神記曰昔秦人築于武周塞內以備邊城將成而崩者數矣忽有馬馳走周旋反覆

父老異之因依跡以築城城乃不崩遂名馬邑 元  
混一輿地要覽曰統萬城赫連勃勃於無定河北黑  
水之南築 朔州志曰元姬山州北三十里後魏道  
武侍姬李姓善姬卒塋此山故名 又曰白樓在右  
城內東北後魏納秦姚興女為后建此樓以望故國  
飾以鉛粉因名

鄯陽縣 句注山

補

元和郡縣志曰句注山在縣東八十里 朔州志曰

句注塞趙襄子以其妹為代王夫人欲并代約代王  
遇于此

馬邑縣

雁門關

補

記纂淵海曰雁門關在馬邑縣東南七十里

武州宣威軍下刺史

輿地廣記曰毅州本武州唐末置後唐長興元年改  
曰毅州

東勝州武興軍下刺史

君子津

補

記纂淵海曰君子津在古東勝州界漢時有大賈齋金行至此死津長為埋之後其子至悉金付之因名

河濱縣

河濱關

補

明一統志曰在府城西五百餘里隋榆林縣地唐析置此縣屬勝州縣東北有河濱關後廢遼復置屬東

勝州

志第十三

歷象志中

閏考

太康三年閏十二月宋閏來年正月異

能改齋漫錄曰神宗元豐元年歲在戊午閏正月時知州薛向繳大遼國所印歷日稱閏月乃在十二月與本朝不同迄送司天監重定時議者以兩朝賀正之禮為疑而臺章以為正朔為大賀正為小兩朝之閏不同即不過本朝之使先期而賀正於彼彼國之使後期而賀正於此料彼不肯改以就此則本朝豈

可改而就彼乎其後本朝竟不曾改

志第十四

歷象志下

朔考

冬至附

重熙四年十一月朔宋辛巳十二月朔宋辛亥

江都幾雜志曰己亥歷日十一月大盡契丹歷此月

小十二月十四夜才昏月蝕遼使言竊謂為己望

鶚案前己亥宋之咸平二年遼之統和十七年時未

通使也後已亥宋宣和元年遼之天慶九年此時金  
伐遼使命阻絕矣此已亥應作乙亥宋仁宗景祐二  
年葉夢得石林燕語曰蘓子容過省賦歷者天地  
之大紀為本場魁既登第遂留意歷學元豐中使契  
丹會冬至契丹歷先一日趨使者入賀北人不禁天  
文術數之學往往皆精其實契丹歷為正也然勢不  
可從子容乃為汎論歷學援据詳博北人莫能測不  
能遽折歸奏神宗大喜即問二歷孰是蘓以實言太

史皆坐罰金元祐初遂命子容重修渾義 張邦基  
墨莊漫錄曰蘓子容丞相博學無所不通熙寧十年  
為大遼生辰國信使適遇冬至本朝歷先一日北朝  
歷後一日北人問公孰是公曰歷家算術小異遲速  
不同謂如亥時節氣當交則猶是今夕若踰數刻即  
屬子時為明日矣歷家布算容有遲速或先或後故  
有一日之異然各從本朝之歷可也北人深以為然  
遂各以其日為節慶賀使還奏之上曰朕思之此最

難處卿之所對極中事理

志第十五

百官志一

十二宮職名總目

余靖武溪集曰遼人十宮院使者自安巴堅而下每主嗣位即立宮置使領臣寮每歲所獻生口及打虜外國所得之物盡隸宮使每宮皆有戶口錢帛以供其主私費猶中國之內藏也十宮院使在上將軍之

下節度使之上

志第十六

百官志二

北面軍官

余靖武溪集曰契丹司錄事司

如中國之府司

左右司候司

掌刑獄

遼人於燕京置元帥府統軍馬軍步軍司三遼

東有渤海西有奚南有燕北據其窟穴四姓雜居舊不通婚謀臣韓紹芳獻議乃許婚焉衣服飲食言語

各從其俗凡四姓相犯皆用漢法本類自相犯者用  
本國法故別立契丹司以掌其獄

志第十七上

百官志三

南面朝官

五代史曰契丹滅晉其母舒嚕遣人齎書及安巴堅  
明殿書賜德光明殿若中國陵寢下宮之制其國君  
死塋則於墓側起屋謂之明殿置官屬職司四時奉

表起居如事生置明殿學士一人掌荅書詔每國有  
大慶弔學士以先君之命為書以報國君其書常曰  
報兒皇帝 宋敏求春明退朝錄曰契丹有乾文閣  
志第十七

百官志四

上京鹽鐵使司東京戶部使司中京度支使司南京三  
司使司西京計司

余靖武溪集曰遼人司會之官雖於燕京置三司使

唯掌燕薊涿易恒順等州錢布耳又於平州置錢帛  
司營灤等州屬焉中京置度支使宜霸等州隸焉東  
京置戶部使遼西川錦等州屬焉上京置鹽鐵使饒  
澤等州隸焉山後置轉運使應蔚等州隸焉置使雖  
殊其實各分方域掌其出納也隨駕賜予則樞密主  
之讌勞則宣徽使主之

佐吏

補

文獻通考曰契丹內外官多倣中國者其下佐吏則

有敝史 穆昆薩納噶 達魯噶 圖魯 鶚案百官  
志額爾奇院有敝史約尼九帳大詳衮司有敝史其  
下三職史未載也

志第十八

禮志一

吉儀

祭冊儀

王易燕北錄曰清寧四年戊戌歲十月二十三日遼

主一行起離鞞旬往西北二百七十餘里地名永興  
旬行柴冊之禮于十一月一日先到小禁園內宿泊  
於二日先於契丹宮內選擇九人與遼主身材一般  
大小者各賜遼主所著衣服一套令結束九人假作  
遼主不許別人覺知於當夜子時與遼主共十人相  
離出小禁園入大禁園內分投各一帳每帳只有蠟  
燭一條椅子一隻並無一人於三日辰時每帳前有  
契丹官僚一員各自入帳列何骨騰

漢語提認  
天子也

若提

認得遼主者宣賜牛羊駝馬各一千當日宋國大王

遼主  
親弟

於第八帳內提認得遼主番儀湏得言道我不

是的皇帝其宋國大王道言道你的的是皇帝如此往  
來番語三遍遼主方始言道是便是出帳來著箱內  
番儀衣服畢次第行禮先望日四拜又拜七祖殿次  
拜木葉山神次拜金神次拜冊太后次拜赤娘子次  
拜七祖眷屬次上紫龍受冊次入黑龍殿受賀當日  
行禮罷與太后太叔出大禁園卻入小禁園內與近

上番漢臣僚夜宴至三更退四日歇泊至五日卻來  
鞞甸受南朝禮物小禁園在大禁園東北內羶帳二  
十三座大禁園圍無一面長一百一十步內有羶帳  
十座黑羶兵幕七座大小禁園外有契丹兵甲一萬  
人各執槍刀旗鼓弓箭等旗上錯成番書順字

漢語  
正軍

字

七祖者太祖太宗世宗穆宗景宗聖宗興宗也赤  
娘子者番語謂之掠胡奧偌傳是陰山七騎所得潢  
河中流下一婦人因生其族類其形木雕彩裝常時

于木葉山廟內安置每一新主行柴冊禮時取來作  
儀注第三日送歸本廟七祖眷屬俱是木人著紅錦  
衣亦于木葉山廟內取到柴龍之制高三十二尺用  
帶皮榆柴疊成上安黑漆木壇三層壇安御帳當日  
遼主坐其中下有契丹臣僚二百餘人 鶚案王易  
所記柴冊儀與史志不同存以備考

志第二十

禮志四

賓儀

宋使賀生辰正旦

歐陽修居士集皇帝賀契丹皇帝正旦書曰正月一日伯大宋皇帝致書於侄大契丹聖文神武睿孝皇帝闕下玉歷正時布王春而茲始寶鄰敷契講信聘以交修方履新陽益綏多福其於祝詠罔罄敷言今差朝散大夫守太常少卿上騎都尉渤海縣開國男食邑三百戶賜紫金魚袋吳中復供備庫使銀青崇

祿大夫檢校太子賓客兼御史大夫騎都尉廣平縣  
開國男食邑三百戶宋孟孫充正旦國信使副有少  
禮物具諸別幅專奉書陳賀不宣謹白 皇帝賀契

丹太皇太后正旦書曰正月一日姪大宋皇帝謹致  
書於孀大契丹仁慈聖善欽孝廣德安靜正淳懿和  
寬厚崇覺儀元太皇太后闕下歲律更新春陽暢達  
因履端之叶吉敷永好以申歡載惟慈懿之和方集  
壽康之祉更希善攝用副遐悰今差朝散大夫守太

常少卿直昭文館護軍廣陵縣開國子食邑五百戶  
賜紫金魚袋呂景初洛苑使兼閤門通事舍人銀青  
崇祿大夫檢校太子賓客兼御史大夫騎都尉清河  
郡開國侯食邑一千七百戶張利一充正旦國信使  
副有少禮物具諸別幅專奉書使賀不宣謹白 王  
安石臨川集皇帝問候大遼皇帝書曰嘉生備舍華  
歲幾終惟素講於鄰懽想具膺於時福彌加葆衛永  
御吉康 皇帝賀大遼皇太后生辰書曰玉燭告和

方御閉藏之候椒庭集慶載鄰誕毓之辰具飭使車  
肅將禮幣式修舊好申祝永年 契丹國志曰宋朝  
賀契丹生辰禮物契丹生日南宋遺金酒食茶器  
三十七件衣五襲金玉帶二條烏皮白皮鞞二緗紅  
牙笙笛鳳篋拍板鞍勒馬二匹纓複鞭副之金花銀  
器三十件錦綺透背雜色紗綾縠絹二千匹雜綵二  
千匹法酒三十壺的乳茶十觔岳麓茶五觔鹽蜜果  
三十罐乾果三十籠正旦則遺以金花銀器白銀器

各十件雜色綾羅紗縠絹二千匹雜彩二千匹 宋  
朝皇帝生辰北朝所獻刻絲花羅御樣透背御衣七  
襲或五襲七件紫背貂鼠翻披或銀鼠鶯項鴨頭袖  
子塗金銀裝箱金籠水精帶銀匣剖之錦緣帛縐皮  
鞞金玦京皂白熟皮鞞鞵細錦透背清平內裝御樣  
合線樓機綾共三百匹塗金銀龍鳳鞍勒紅羅匣金  
錦繡方鞵一具白楮皮黑銀鞍勒韁韁二具綠褐楮  
皮鞍勒海豹皮鞵白楮皮黑裹筋鞭一條紅羅金銀

線繡雲龍紅銀器仗一幅黃樺皮纏楮皮弓一紅錦  
袋阜鵬翎獬角髀頭箭十法漬法麴麵麴酒二十壺  
蜜曬山果十束櫛椀蜜漬山果十束櫛匹列山梨柿  
四束櫛榛栗松子郁李黑郁李子麵棗楞梨索梨二  
十霜麵杭麋梨粃十椀蕪荳白鹽十椀青鹽十箱牛  
羊野豬魚鹿腊二十二箱御馬六匹散馬二百匹正  
旦御衣三襲鞍勒馬二匹散馬一百匹國母又致御  
衣綴珠貂裘細錦刻絲透背合線御綾羅紗縠御樣

果實雜粃腊肉凡百品水精鞍勒新羅酒青鹽國主  
或致戎器賓鐵刀鷲禽曰海東青之類承天節又遣  
庖人持本國異味前一日就禁中造食以進御云

高麗使入見儀

契丹國志曰高麗國進貢物件金器二百兩金抱肚  
一條五十兩金沙鑼五十兩金鞍轡馬一匹五十兩  
紫花綿紬一百匹白綿紬五百匹細布一千疋麁布  
五千疋銅器一千斤法漬酒醋共一百餅腦先茶十

斤藤造器物五十事成形人叅不定數無灰木刀櫛  
十個細紙墨不定數目橫進物件粳米五百石糯米  
五百石織定五彩御衣不定數 契丹每次回賜物  
件犀玉腰帶二條細衣二襲金塗鞍轡馬二匹素鞍  
轡馬五匹散馬十匹弓箭器仗二副細綿綺綾羅二  
百匹衣著絹一千匹羊二百口酒菓子不定數並命  
刺史以上官充使一行六十人直送入本國 契丹  
賜奉使物件金塗銀帶二條衣二襲綿綺三十疋色

絹一百疋鞍轡馬二匹散馬五匹弓箭器仗一副酒菓不定數上節從人白銀帶一條絹二十疋馬一匹下節從人衣一襲絹十疋紫綾大衫一領

西夏國進奉使朝見儀

契丹國志曰西夏國貢進物件細馬二十匹麁馬二百匹駝馬百頭綿綺三百疋織成綿被褥五合菰蓉甘石石井鹽各一千觔沙狐皮一千張兔鶻五隻犬子十隻本國不論年數惟以八節貢獻契丹回賜

除羊外餘並與高麗同惟玉帶改為金帶勞賜人使亦同

志第二十二

禮志六

嘉儀下

立春儀 賜幡勝

韓琦安陽集使契丹謝春槃旂勝狀云緹律回春青陽戒節鏤勝俯遵於俗尚雕槃榮錫於時珍上荷恩

私至深銘刻

日月蝕

補

燕北錄曰契丹如日月蝕各備酒饌相賀國主次日亦有宴會如日蝕即盡望而唾之仍背日坐

志第二十三

樂志

國樂

文獻通考曰契丹有譚子部百人夜以五十人番直

四鼓將盡歌于帳前號曰聒帳每謁拜木葉山即射  
柳枝譚子唱番歌前導彈胡瑟和之已事而罷

大樂調雅樂有七音大樂亦有七聲謂之七旦

沈德符野獲編曰自北劇興名男為正末女曰旦兒  
相傳入於南劇雖稍有更易而旦之名不改竟不曉  
何義今觀遼史樂志大樂有七聲謂之七旦凡一音  
管一調如中宮越調大食中宮之屬此外又有四旦  
二十八調不用黍律以琵琶叶之按此即今九宮譜

之始所謂且乃司樂之總名以故金元相傳遂命歌妓領之因以作雜劇流傳至今旦皆以娼女充之無則以優之少者假扮漸遠而失其真耳

大樂聲各調之中度曲協音其聲凡十

野獲編曰今按樂者必先學笛曲如五九工尺上一之屬世以為俗工俚習不知其來舊矣宋樂書云黃鍾用合字大吕太簇用四字夾鍾姑洗用一字夷則南吕用工字無射應鍾用凡字中吕用上字蕤賓用

勾字林鍾用尺字黃鍾清用六字大呂夾鍾清用五  
字又有陰陽及半陰半陽之分而遼史大樂聲各調  
之中庭曲協音其聲凡十曰五凡工尺上一四六勾  
合近十二雅律於律呂各闕其一以為猶雅音之不  
及商也可見宋遼此調已謂之祖

曲宴宋國使樂次

張舜民畫墁錄曰契丹待南使樂列三百餘人舞者  
更無迴旋止于頓挫伸縮手足而已角觝以倒地為

負兩人相持終日欲倒而不可得又物如小額通蔽其乳脫若褫露之則兩手覆面而走深以為恥也

志第二十五

儀衛志二

國服

臣僚戴羶冠鞬鞞帶

契丹國志曰番戴羶冠上以金冠為飾或加珠玉翠毛蓋漢魏時遼人步搖冠之遺象也 孟元老東京

夢華錄曰正旦大朝會大遼大使頂金冠後簷尖長  
如大蓮葉服紫窄袍今蹀躞副使服裏金帶如漢帶  
沈括夢溪筆談曰帶衣所垂蹀躞蓋欲佩帶弓劍  
忻悅篋囊刀礪之屬契丹國志曰丈夫或綠中單  
綠花窄袍中單多紅綠色貴者被貂服裘以紫黑色  
為貴青色為次又有銀鼠尤潔白賤者被貂毛羊鼠  
沙狐裘弓以皮為絃箭削樺為韞鞬勒輕快便于馳  
走以貂鼠或鵝頂鴨頭為捍腰

徐呂皮補

程大昌演繁露曰今使北者其禮例中所得有韋而紅光滑可鑒問其名則徐呂皮也問何以名之則曰徐氏呂氏二氏寔工為之也此說信否殊未可知予案燕北雜記曰契丹興宗嘗禁國人服金玉犀帶及黑色薩哩皮并紅虎皮靴及道宗即位以為靴帶也者用之可以華國遂弛其禁再許服用此即靴帶之制矣及問徐呂皮所自出則曰黑色薩哩皮謂回紇

野馬皮也用以為靴騎而越水水不透裏故可貴也  
紅虎皮者回紇獐皮也揉以礪砂須其軟熟用以為  
靴也本此而言則知徐呂皮者即薩哩聲之轉也然  
薩哩之色貴黑而徐呂皮之色紅恐是野馬難得而  
礪砂熟韋可以常致故染而紅之以當獐皮為欲高  
其名品遂借薩哩以為名呼也

兔鶻帶

補

契丹國志曰契丹重骨吐犀犀不大萬株犀無一不

曾作帶紋如象牙帶黃色止是作刀把已為無價天

祚以此作兔鶻

中國謂之腰條  
皮揷垂頭者

婦人服補

鸚鵡案金史輿服志曰婦人服檐裙多以黑紫上遍繡  
金紫花周身六襞積上衣謂之團衫用黑紫或阜及  
紺掖縫兩旁復為雙襞積前拂地後曳地尺餘帶色  
用前雙垂至下齊年老者以皂紗籠髻如巾狀散綴  
玉鈿於上謂之玉逍遙此皆遼服也金亦襲之

志第二十六

儀衛志三

符印

傳國寶

李林甫唐六典曰符寶卽掌天子八璽其一曰神寶  
二曰受命寶其神寶方六寸高四尺六分厚一寸七  
分蟠龍紐文與傳國璽同傳國璽秦皇以藍田玉刻  
之李斯篆文方四寸面文曰受命于天既壽永昌紐

盤五龍二寶歷代相傳以為神器別有六寶一曰皇帝行璽二曰皇帝之璽三曰皇帝信璽四曰天子行璽五曰天子之璽六曰天子信璽此六璽因文為名並白玉螭虎紐歷代傳受或亡失則補之續通典曰秦兼六國稱皇帝購取藍田之玉王工孫壽刻之分四寸李斯為大篆書之形製如龍魚鳳鳥之狀希世之至寶也秦世子嬰以璽降漢漢世世傳寶之王莽之篡求璽於元后后投之于階一角微缺莽誅歸

之更始更始敗歸之盆子及熊耳之敗盆子以璽降  
光武漢末黃巾亂投璽于井孫堅入洛見井有五色  
氣取得之以歸袁術術散荊州刺史徐璆得之詣許  
以進獻帝魏受漢禪得之以傳于晉洛陽之陷劉聰  
得之劉曜為石勒所禽璽歸于鄴石氏之亂冉閔得  
之閔敗晉將戴施入鄴得之送江東傳之宋齊梁臺  
城之破侯景得之景敗其將侯子鑒以璽走為追兵  
所迫投于棲霞寺井中僧永杼得而匿之陳永定二

年永弟子普知以璽上陳文帝隋平陳始得秦真傳  
國璽煬帝江都之禍字文化及得之化及敗璽歸寶  
建德建德敗其妻曹氏以璽獻于唐唐禪梁楊涉送  
寶于大梁莊宗滅梁得之同光末內難作寶為火灼  
文字訛缺明宗得之清泰敗以寶隨身自焚而死寶  
遂亡其神璽者方六寸厚一寸七分高四寸六分蟠  
龍隱起文與傳國璽同但玉色不及形制高大耳不  
知何代製造東晉孝武十九年雍州刺史郝恢得之

慕容永送於金陵傳之宋齊梁臺城之破候景得之  
景敗侍中趙思齊攜走江北獻之齊文宣帝宇文弼  
齊得之宇文弼入隋隋文帝改號傳國璽仍以秦璽  
後出得于亡陳以北朝所傳神璽為第一秦璽次之  
隋亡竇建德妻與傳國璽俱獻長安唐末不知所在  
鄭文寶傳國璽譜曰唐明宗崩璽歸清泰晉高祖  
擁戎馬入洛河橋不守清泰積薪累日盡驅六宮珍  
玩一旦偕焚於摘星樓秦璽煨燼其亦明矣按隋蕃

記北兵入梁園晉末主奉上璽綬遼主惟玉璽制用  
疎樸不工又非真紐疑將有隱易者晉人具以實對  
文寶淳化中司計陝右督軍芻于塞下有乾州永壽  
縣主簿趙應良者北燕人自謂少年事遼為丞相高  
公堂後官嘗從公至燕子城登重閣閱晉舊物得觀  
璽綬與隋蕃記畧同 五代會要曰傳國璽自秦始  
皇後歷代傳受至唐末帝自燔之際以寶隨身焚焉  
晉高帝受命特製寶一座文曰皇帝神寶開運末北

人齋以入蕃 孔平仲珩璜新論曰石晉再作受命  
寶文曰受天明命惟德永昌契丹取之 李心傳建  
炎以來朝野雜記曰秦蠶者李斯之魚蟲篆也其圍  
四寸至漢謂之傳國璽子嬰所封元后所投王憲所  
得赤眉所上皆是物也董卓之亂失之吳書謂孫堅  
得之洛陽甄官井中復為袁術所奪徐璆得而上之  
殆不然也若然則魏氏何不寶用而自刻璽乎厥後  
歷世猶用其名永嘉之亂投于劉石永和之世復歸

江左者晉璽也魏氏有國刻傳國璽如秦之文但秦璽讀自右魏璽讀自左耳晉有天下又自刻璽其文曰受命于天皇帝壽昌本書輿服志乃以為所傳秦璽誤實甚矣此璽更劉聰石勒逮石祗死其臣蔣幹求援于謝尚乃以璽送江南王彪之辨之亦云非秦璽也太元之末得自西燕更涉六朝至于隋代者慕容燕璽也晉孝武太元十九年西燕王永求援于郗恢併獻玉璽一紐方濶六寸高四寸六分文如秦璽

自是歷秦宋齊梁皆寶之侯景既死北齊辛術得之  
廣陵獻之高氏後歷周隋皆誤指為秦璽後平江南  
知其非是乃更謂之神璽焉劉裕北伐得之關中歷  
晉暨陳復為隋有者姚秦璽也晉義熙十三年劉裕  
入關得傳國璽之文與秦同但隱起而不深刻隋滅  
陳指此為真璽遂以宇文所傳神璽為非是識者又  
謂古璽深刻以印泥後人隱起以印紙則隱起者非  
秦璽姚氏取其文作之耳開運之亂没于耶律女真

獲之以為大寶者石晉璽也唐太宗貞觀十六年刻  
受命璽文曰皇帝景命有德者昌後歸朱全忠及從  
珂自焚璽亦隨失德光入汴重貴以璽上之云先帝  
所刻蓋指敬瑭也蓋在唐時皆誤以為秦璽而秦璽  
之亡則久矣 鶚案秦璽之說非一璽已焚于後唐  
遼所得者乃晉璽耳史稱興宗重熙七年以有傳國  
璽者為正統賦試進士豈當時亦未之深考耶

金印三晉出帝所上其文未詳

周必大省齋文彙題五代應順年堂檢臨本曰右後  
唐宰臣劉昫兼判三司堂檢其內批用御前新鑄之  
印予從洪景廬待制借本臨之按應順元年三月戊  
辰愍帝遜于衛必以印寶自隨四月壬申從珂入洛  
乙亥即位殆倉卒鑄此印耶乙酉大赦改元清泰時  
愍帝已殂璽應來歸後十餘年晉出帝奉玉璽金印  
歸契丹契丹謂璽非工與前史所傳異命求真璽出  
帝曰從珂自焚玉璽不知所在疑焚之事載晉家人

傳所謂金印亦新鑄之類耳

符契 銀牌 木刻子牌

補

燕北錄曰銀牌有十三道

上是番書朕字

用金鍍銀成見在

內侍左承宣宋璘處妝掌用黑漆匣盛每日於遼主前呈奉一徧或有緊急事宜用此牌帶在項下于

南北大王處抽發兵馬餘事即不用 張舜民使遼

錄曰銀牌形如方響刻番書宜速二字使者執牌馳馬日行數百里所至如國主親到需索更易無敢違

者 燕北錄曰長牌七十二道

上是番書  
教走馬字

用金鍍銀

成見在南司內收掌每遇下五京等處取索物色及

進南朝野味鹿茸果子以此牌信帶在腰間走馬又

木刻子牌約有一十二道

上是番  
書急字

左面刻作七刻取

其本國歷七世也右面刻作一刻

旁是番  
書永字

其字用金

鍍銀葉陷成長一尺二寸已來每遇生女真達靼國

取要物色抽發兵馬即用此牌信帶在腰間左邊走

馬其二國驗以為信

志第二十八

食貨志上

賦稅之制

宣府鎮志曰契丹統和十八年詔北地節候頗晚宜  
從後唐舊制大小麥豌豆六月十日起徵至九月納  
足正稅匹帛錢糶地權麴錢等六月二十日起徵至  
十月納足 中州集曰遼人掠中原人及得奚渤海  
諸國生口分賜近貴或有功者大至一二州少亦數

百皆為奴婢輸租為宜且納課給其主謂之三稅戶

又見金史  
李宴傳

范鎮東齋紀事曰契丹有馮見善者予

接伴勸酒見善曰勸酒當以其量若不以量如徭役而不戶等高下也以此知契丹徭役亦以戶等中國可以量戶等役人耶

志第二十九

食貨志下

鼓鑄之法

洪遵泉志曰契丹國天贊錢五代史四夷附錄曰契  
丹主安巴堅年曰天贊按此錢徑九分重三銖六釐  
文曰天贊通寶 應歷錢董道曰文曰應歷重寶趙  
至忠北廷雜記曰穆宗改元應歷 董道錢譜曰統  
和元寶宋太平興國八年耶律隆緒鑄太平元寶宋  
天禧五年耶律隆緒鑄 泉志曰北廷雜志聖宗卒  
少主宗真立改元景福一年又改重熙按此錢徑九  
分重三銖文曰重熙通寶 陳昉契丹須知曰契丹

主洪基改元清寧按此錢徑九分重三銖文曰清寧  
通寶 泉譜曰咸雍通寶宋治平二年耶律洪基鑄

泉志曰徐兢高麗圖經契丹咸雍十年改太康至  
十年改元大安按此錢有二品並徑九分重二銖四  
銖以太康通寶太康元寶為文 鶚案董道錢譜太

康通寶作太康同寶未知孰是 李季興東北諸蕃

樞要曰契丹主天祐年號大安按此錢徑八分重二

銖八銖文曰大安元寶 李季興東北諸蕃樞要曰

契丹主天祐年號壽昌按此錢徑九分重二銖四叅  
文曰壽昌元寶 鶚案道宗年號壽隆泉志云壽昌  
正閏考亦云遼道宗年號壽昌見東都事畧范成大  
攬轡錄又有盛昌六年未詳何據 北遼通書曰天  
祚即位壽昌七年改為乾統按此錢徑一寸重三銖二  
叅文曰乾統元寶 李季興東北諸蕃樞要曰契丹  
主天祚年號天慶按此錢徑九分重二銖四叅文曰  
天慶元寶考之北廷雜記曰景宗朝置鑄錢院年額

五百貫則契丹鑄錢舊矣 泉志李孝美曰此錢徑  
三分文曰千秋萬歲今甚易得蓋每歲遼使入貢人多  
博易得耳董道曰遼國錢蓋近世所為

志第三十

刑法志上

鐵骨朶之數或五或七

燕北錄曰鐵爪

耑呼髮觀

以熟鐵打作八片虛合或用柳

木作柄約長三尺兩邊鐵裏打數不過七下

沙袋者穆宗時制

燕北錄曰沙袋

音呼郭禹

以牛皮夾縫如鞋底內盛沙半

升柄以木作胎亦用牛皮裹約長二尺打數不過五

百遼主太后寢帳內事不論大小若傳播出外捉獲

者其元傳播人處死接聲傳播人決沙袋五百契丹

盜衣服錢帛諸物等捉獲賊或累貨估價錢每五百

貫文決沙袋一百累至二百五十文決沙袋五百配

徒五年若更有錢時十貫文打骨錄一下至骨錄五

下更有錢時處死

犯竊盜者初刺右臂再刺左三刺頸之右四刺左至于五則處死

能改齋漫錄曰契丹之法民為盜者一犯文其腕為賊字再犯文其臂三犯文其肘四犯文其肩五犯則斬不須案籍而辜不可掩武珪燕北雜記曰正月十三日放契丹做賊三日如盜及十貫以上依法行遣松漠紀聞曰金國治盜甚嚴每捕獲論罪外皆十倍責償

唯正月十六日則縱偷一日以為戲寶貨車馬為人  
所竊皆不加刑是日人皆嚴備遇偷至則笑遣之既無  
所獲雖畚鍤微物亦携去婦人至顯入人家伺主者  
出接客則縱其婢妾盜飲器他日知其主名或偷者  
自言大則具茶食以贖謂羊酒餽饌之類次則携  
壺小飲或打餅取之亦有先與室女私約至期而  
竊去女願留則聽之自契丹以來皆然燕亦如此

遼史拾遺卷十五

欽定四庫全書

遼史拾遺卷十六

錢塘厲鶚 撰

補選舉志

一科目

契丹國志曰太祖龍興朔漠之區倥傯干戈未有科目數世後承平日久始有開闢限以三歲有鄉府省三試故鄉中曰鄉薦府中曰府解省中曰及第有秀

才未願赴者州縣必報刷遣之程文分兩科曰詩賦  
曰經義魁各分爲三歲一試進士貢院以二寸紙書  
及第者姓名給之號喜帖明日舉案而出樂作及門  
擊鼓十二面以法雷震殿試臨期取旨第一人特贈  
一官授奉直大夫翰林應奉文字第二人第三人止  
授從事郎餘並授從事郎聖宗時止以詞賦法律取  
士詞賦爲正科法律爲雜科若大任子之令不論文  
武並奏蔭而亦有員數 林煒章易水志曰保寧九

年進士易州魏璟統和二年魏上達五年魏元真

鶚案史稱景宗保寧八年詔復南京禮部貢院聖宗  
統和六年詔開貢舉而保寧九年至統和五年十年  
之中易州已有進士三人又出一姓皆在未開貢舉  
之前豈景宗詔復貢院之後南京已詔科而未及他  
處耶惜不可考矣 涿州志曰王吉甫涿州人天慶

二年試律學第一除參軍 李世弼金登科記曰天  
會四年始設科舉有詞賦有經義有同進士有同三

傳有同學究凡五等詞賦之初以經傳子史內出題  
次又令逐年改一經亦許注內出題以詩書易禮春  
秋為次蓋猶遠舊也 元好問遺山文集曰遠以科  
舉為儒學之極致假貸剽竊牽合補綴視五季又下  
哀 王圻續文獻通考曰遼道宗咸雍六年設賢良  
科詔應是科者先以所業十萬言進十年六月御永  
安殿策賢良天祚帝乾統二年閏五月策賢良 鶚  
案王圻所引俱出遼史以其有關選舉故載于編補

經籍志同

二世選

續文獻通考曰遼太宗天顯二年詔選約尼氏九帳子弟可任官者穆宗應歷五年四月命郎君蕭哈里世為北府宰相景宗保寧時耶律思溫為北院樞密使兼北府宰相仍命世預其選聖宗統和九年詔沒于王事者官其子孫時耶律轄哩伐宋獲其將康保威以功詔世預節度使選宰相韓德讓貴寵蕭達魯

希旨言德讓宜賜國姓籍橫帳由是世預太醫選子  
孫入官者衆興宗重熙十六年二月詔世選官擇有  
才能者用

三貲選

續文獻通考曰遼道宗大安四年四月立入粟補官  
法

四學校

續文獻通考曰遼太祖時置上京國子監設祭酒司

業監丞主簿時南京立太學聖宗統和九年八月以  
南京太學生員寢廣特賜水碓莊一區道宗清寧五  
年詔設學養士頒五經及傳疏置博士助教各一員  
六年六月中京置國子監 鶚案南京太學賜水碓  
莊一區遼史本紀係統和十三年九月事詔設學頒  
五經傳疏係清寧元年十二月事王圻所引年月誤  
矣 宣府鎮志曰契丹初興惟尚武藝燕趙間學校  
俱仍唐舊間罹兵燹十存二三取用文士多由自奮

興宗重熙五年始御元和殿以日射三十六熊賦幸  
燕詩試進士于廷著為令式至道宗乃詔設學養士  
于是有西京學有奉聖歸化雲德弘蔚媯儒八州學  
各建孔子廟頒賜五經諸家傳疏令博士助教教之  
屬縣附焉 鶚案此但據西京諸州言之五京諸州  
俱有學也

補經籍志

鶚案諸簿錄家所載遼人撰著大率多本遼史紀傳

間有出于史外者不多得也予作補經籍志聊備其  
目而已傳于今者亦寥寥無幾矣

經類

耶律庶成蕭罕嘉努禮書

遼朝雜禮

已上出黃虞稷金陵黃氏書目

龍龕手鑑四卷

晁氏作  
三卷非

沈括夢溪筆談曰幽州僧行均集佛書字為切韻訓

詁凡十六萬字分四卷號龍龕手鑑燕僧智光為之  
序甚有詞辨契丹重熙二年禁契丹書集甚嚴傳入  
中國者法皆死熙寧中有人自契丹中得之入傳欽  
之家蒲傳正帥浙西取以鏤版其序末舊題重熙二  
年五月序蒲公削去之觀其字音韻次序皆有理法  
後人殆不以其為燕人也 晁公武郡齋讀書志曰  
契丹僧行均撰凡二萬六千四百三十字注十六萬  
二千一百餘字僧智光為之序後題云統和十五年

丁酉按紀年通譜耶律隆緒嘗改元統和丁酉至道  
三年也沈存中言末題重熙二年五月序蒲公削去  
之今本乃云統和非重熙字存中不見舊題妄記之  
耶 錢曾讀書敏求記曰燕僧行均字廣濟俗姓于  
氏編龍龕手鑑以平上去入為次隨部復用四聲列  
之計二萬六千四百三十餘字注一十六萬三千四  
百餘字統和十五年丁酉七月初一日癸亥燕臺憫  
忠寺沙門智光字法炬為之序 燕臺憫忠寺沙門

智光撰龍龕手鑑序曰夫聲明著論迺印度之宏規  
觀跡成書實支那之令躅印度則始標天語厥號梵  
文載彼貫線之花綴以多羅之葉開之以字緣字界  
分之以男聲女聲支那則創自軒轅制于沮誦代結  
繩于既往成書契以相沿辨之以會意象形審之以  
指事轉注泊乎史籀變古文為大篆程邈省複筆為  
隸書蔡邕刊定于石經東晉推詳于家策九流競騫  
若百谷之趨淵百氏遐分比衆星之拱極尋源極委

悉著于埤蒼廣蒼叶律諧鐘咸究于韻圖韻母專門  
則字統說文開牖則方言廣雅文字之學于是乎昭  
矣矧復釋氏之教演于印度譯布支那轉梵為唐雖  
匪差于性相披教悟理而必正于名言言不正則性  
相之義差性相之義差則修斷之路阻矣故祇園高  
士標的洪源學海先儒導引後進輝以寶燭啟以隨  
函闕顯于人名香嚴唯標于寺號流傳歲久抄  
寫時訛寡聞則莫曉是非博古則徒懷惋歎不逢敏

達孰為編修有行均上人字廣濟俗姓于氏派演青  
齊雲飛燕晉善于音韻閑于字書覩香嚴之不精寓  
金河而載緝九仞功績五變炎涼具辨宮商細分喉  
齒計二萬六千四百三十餘字注一十六萬三千一  
百七十餘字并闕一十八萬九千六百一十餘

字沙門智光利非切玉分忝斷金辱彼告成見命序  
引推讓而寧容閣筆俛仰而強為抽毫矧以新闕

擔登立祛疑滯音徧于龍龕猶

手持鸞鏡形容斯鑒妍醜是分故目之曰龍龕手鑑  
摠四卷以平上去入為次復用四聲列之又撰五音  
圖式附于後庶力省功倍垂益于無窮者矣時統和  
十五年丁酉七月一日癸亥序

史類

耶律儼皇朝實錄七十卷

蕭罕嘉努耶律庶成同撰約尼氏汗至重熙以來事迹  
二十卷

室昉統和實錄二十卷

蕭永祺遼紀四十卷志五卷傳四十卷

已上出金陵黃氏書目

契丹官儀

契丹事迹

契丹疆宇圖

宋史藝文志二卷

契丹實錄

契丹會要

已上出尤袤遂初堂書目

大遼登科記一卷

大遼對境圖

契丹地理圖

宋史藝文志一卷

已上出鄭樵通志藝文畧

遼四京記

陳振孫直齋書錄解題曰亦無名氏曰東京中京上

京燕京

王鼎焚椒錄一卷

七賢傳

金陵黃氏書目曰取遼世名流七人為之傳耶律吼其一也

遼三臣行事耶律孟簡著

出王圻續文獻通考 鶚案孟簡大康中所編耶律赫魯烏哲休格三人行事見文學傳

子類

王白百中歌

耶律純耶律學士星命祕訣五卷

已上出金陵黃氏書目

珠勒呼針灸脈訣書一卷

出連江陳第世善堂書目

燕僧利正撰長慶人事軍律三卷

出通志藝文畧

內丹書

聖宗統和七年  
于闐張文質進

道宗御製華嚴經贊

咸雍四年  
二月頒行

回紇僧撰金佛梵覺經

高麗佛經

大康十年命僧  
善智校讐頒行

已上出續文獻通考

僧非濁撰往生集二十卷

出奉福寺尊勝陀羅尼石幢記

集類

道宗御製清寧集耶律良編

出續文獻通考

李氏應歷小集十卷

通志藝文畧曰李澣晉末陷契丹以遼應歷年號名集

海蟾子詩一卷

出通志藝文畧

李澣丁年集十卷

楊佖登瀛集五卷

劉景集四十卷

已上出宋史藝文志

耶律隆先閭苑集

蕭資忠西亭集

蕭孝穆寶老集


蕭柳歲寒集

蕭罕嘉努六義集十二卷

耶律孟簡放懷詩一卷

耶律良慶會集

已上出續文獻通考



遼史拾遺卷十六